

Idi oojai ooji Paavora Δvaavoitudadami ColoosasiΔrΔ oidacami

1-2 AanΔ ΔrPaavora. Dai aanΔ Δmadu Timoteo gΔmviaatuldi aapimΔ gΔraaduñi vaavoitudadami ismaacΔdΔ vaavoitudai Suusi Cristo. Dai aanΔ gΔnoojidi aapimΔ ColoosasiΔrΔ oidacami ismaacΔdΔ Diuusi Δcovai vuvaida. AanΔ ΔrootosadΔ Suusi Cristo, Diuusi ipΔlidi cascΔdΔ. AatΔmΔ ipΔlidi sai Diuusi gΔrooga cΔΔgacΔrΔ gΔnnΔijadana dai gΔniibΔstudacan tadacana. Diuusi ΔroogadΔ Suusi Cristo gΔrtΔaanΔdamiga.

3 VΔΔscΔrΔ baigΔrΔlidi aatΔmΔ DiuusicΔdΔ daanΔitai sai gΔnsoicΔiña aapimΔ mΔsai cΔΔgacΔrΔ oidacana.

4 BaigΔrΔlidi aatΔmΔ DiuusicΔdΔ maatΔcatai isaapimΔ cΔΔga vaavoitudai Suusi Cristo dai issΔΔlicΔdΔ oigΔdai aapimΔ aa vaavoitudadami,

5 nΔnΔracatai aapimΔ istuigaco iimi agai tΔvaagiamu dai Diuusi Δmadu oidaca agai tomastuigaco. AidΔsi tucamidΔrΔ maí aapimΔ isΔrvaavoi isSuusi Cristo ΔrcΔΔgacΔrΔ vuviadami, aapimΔ vaavoitu isΔmo imidagai iimi agai Diuusi Δmadu.

6 Dai idi vaa ñiooqui cΔΔgaducΔdΔ ismaacΔdΔ maí aapimΔ gaaagidi Suusi Cristo ojootosadΔ vΔΔsi oidigΔrΔ dai muidutai vaavoitu dai aa quiaa vaavoitudaimi dai Δma duucaí gΔntΔtΔgitoimi vai camaisoimaasi ivueeyi poduucái isduucái ΔpΔdui

aapimΛcadΛ. AapimΛ maí isDiuusi sΛalicadΛ oigΛdai oodami.

⁷VΛasi gomaasi gΛnmamaatΛtuli gΛraduñi Epaafarasi. Agai ivueeyi Suusi Cristo aa duiñdadΛ Λpan duucaí aatΛmΛ dai aliΛ oigΛdai aatΛmΛ Λgai. Agai sΛalicadΛ gΛnsoicΛiña mΛsai vaamioma cΛΛga maatΛna Diuusi ñiooquidΛ.

⁸Agai vaa Epaafarasi gΛraagidi mΛsai aapimΛ aliΛsi gΛnoigΛdai aipacoga gΛnΛΛmadu daacatai Diuusi IbΛadΛ.

⁹CascadΛ aidΛ abiaadΛrΛ simaí aatΛmΛ gomaasi apiadaanΛiña Diuusi sai Λgai gΛnsoicΛiña mΛsai cΛΛga maatΛna istumaasi Λgai ipΛlidi isivuaada aapimΛ dai mΛsai cΛΛga maata caacana vΛasi ñiooquidΛ dai mΛsai cΛΛga maatΛna isducatai gΛaagai isoidacagi.

¹⁰Mai poduucai sΛalicadΛ cΛΛgacΛrΛ oidacagi ivuaadatai istumaasi Diuusi ipΛlidi poduucai isduucai gΛaagai isivuaadagi vΛasi vaavoitudadami. Poduucai iduñia agai aapimΛ naana maasi cacΛΛgaducami dai vaamioma cΛΛga maatΛmu Diuusi.

¹¹Dai daanΛi aatΛmΛ Diuusi, Λgai sΛalicadΛ viaa guvucadagai, sai Λgai gΛnmaacana guvucadagadΛ vai poduucai siΛΛscadΛ oodami soimaasi gΛntaatamituldadagi istutiada aapimΛ issoimaasi taatamadagi dai apiacΛΛgacΛrΛ oidacagi.

¹²Diuusi gΛroigΛli gΛrsoimaascamiga cascadΛ viaa aatΛmΛ sΛalicami ΛΛmadu vΛasi aa vaavoitudadami isiimiagi tΛvaagiamu dai isDiuusi cΛΛgacΛrΛ gΛrnΛijadagi. CascadΛ baigΛrΛlidi aatΛmΛ Diuusi gΛroogacΛdΛ.

¹³Agai cΛΛgacΛrΛ gΛrvuvaitu saidΛ ΛDiaavora

camaitaanaiña gariibadaga vai poduucai camaiagidi aatama Diaavora baiyoma agidi aatama Suusi Cristo. Agai arDiuusi maradai Diuusi salicada oigadai agai.

14 Suusi Cristo agai daida calgacaga garvuvaitu muucucai curusiaba vai Diuusi oigaldi garsoimaascamiga.

15 Tomali amaadutai mainaidi Diuusi. Damos Diuusi ootoi gamara tavaagiaiñdaga tami oidigi daama vai poduucai oodami maatana istuiga Diuusi. Agai arSuusi Cristo dai anpan tuiga Diuusi gaooga. Suusi Cristo agai dai vaamioma viaa guvucadagai sitomasioora.

16 Suusi Cristo idui vassiacatai tavaagiaga dai oidi daama siasa istumaasi maasi, acaasi istumaasi maimaasi poduucai isduucai Diuusi ipali. Dai Diuusi maradai idui vassai Diuusi tavaaaiñcaruda sai agai siaa duutudaiña.

17 Diuusi maradai tomastuigaco oidaga Diuusi amadu. Dai agai calga nuucada vassiacatai sai maiugitana tomali oidigi, tomali tasai, tomali sisi-aavugai, tomali amo istumaasi.

18 Dai Cristo artaanadamigada vassai vaavoitudadami. Agai maa ibadagai utudui avavoitudadami. Dai agai arabaitaacamigada vassacatai ismaacada apamu duduaaca agai coidada saagidaiñdaga dai agai vaamioma taanada agai istomasioora.

19 Agai poduucai ivueeyi. Agai arDiuusi cascada. Diuusi ipali isaCristo anpan tuigacagi agai.

20 Diuusi ootoi gamara tami oidi daama tavaagiaiñdaga sai agai muucuna curusiaba

sai poduucai cΛΛgacΛΛ vuvacΛna oodami dai Diuusi oigΛldi soimaascamigadΛ. Dai muucucai Suusi Cristo poduucai vΛΛscatai oidigi daama oidacami istutuidi iscamaivui vΛΛtΛcagi Diuusi. Dai vΛΛsiaΛcatai oidigi daama dai tΛvaagiΛΛ Diuusi utulda agai sai Λpa maascana aidΛsi tucamidΛtΛ idui Λgai.

21 DΛmos aapimΛ ΛΛquioma maitΛrmamaaradΛcatadai Diuusi baiyoma vuidΛΛ vΛΛtΛcatadai aapimΛ Diuusi soimaasi ivuaadatai.

22 DΛmos sivi camaivuidΛΛ vΛΛtΛ aapimΛ Diuusi muucucai Suusi Cristo curusiaba dai poduucai Suusi Cristo gΛnvaidacaimu Diuusi vuitapi caoigΛldacai gΛnsoimaascamiga dai camaisoimaasi duucamicamu dai Λcovai vuvaidadΛcamu mΛsaidΛ ivuaadana Diuusi aa duiñdadΛ.

23 Suusi Cristo iduñia agai gomaasi isaapimΛ apiavaavoitudadagi Λgai dai cΛΛga vaavoitudadagi ismaitipu Λmai vΛΛsi oidigΛΛ ismaacΛdΛ viaa guvucadagai iscΛΛgacΛΛ vuviaadagi oodami dai apiavaavoitudadagi vΛΛsi Diuusi ñiooquidΛ. Λgai vaa ñiooqui cΛΛgaducΛdΛ Λgai ismaacΛdΛ gaaagidi Λvaavoitudadami vΛΛsi oidigi daama dai ismaacΛdΛ camaí aapimΛ dai ismaacΛdΛ aanΛ Paavora gaaagidi tomasiaacoga.

24 Baigiñlidi aanΛ soimaasi taatamaitai aapimΛ gΛnvΛΛtarΛ. Suusi Cristo soimaa taata vaavoitudadami vΛΛtarΛ. Dai poduucai isduucai Λgai soimaasi taata aanΛ ΛpΛ soimaasi taatamai soicΛitai vaavoitudadami.

25 Diuusi giñmaa amo sállicami ansai aanΛ gΛnsoicΛiña aapimΛ ΛΛmadu aa vaavoitudadami mΛsai vaamioma cΛΛga maatΛna Diuusi ñiooquidΛ

26 ismaacΛdΛ ΛΛquioma maitΛmaatΛcatadai. DΛmos sivi Diuusi gΛrmaatΛtuli vΛΛsi gomaasi. AatΛmΛ ΛrΛcovai vuvaidadΛ Λgai.

27 Diuusi ipΛli isvΛΛsi vaavoitudadami maatΛcana isSuusi Cristo gΛrΛΛmadu daja aatΛmΛ ismaacΛdΛ vaavoitudai Λgai, dai cascΛdΛ cΛΛ maatΛ isiimia ragai Diuusi ΛΛmadu. Goñiooqui sállicΛdΛ cΛΛgadu daidΛ ΛrΛgai vΛΛtarΛ ΛpΛ ismaacΛdΛ maitΛrjudidíu. ΛΛquioma maimaatΛcatadai oodami goñiooqui dΛmos sivi casi gΛmaatΛ.

28 Tomasiaaco siaaco ajiopada aatΛmΛ aagidiña aatΛmΛ vΛΛsi oodami sai Suusi Cristo arcΛΛgacΛrΛ vuviaadami. Aagidiña aatΛmΛ oodami sai gΛaagai isgajiaadΛrΛ viaagi vΛΛsi soimaascami dai cΛΛga mamaatΛtuldi aatΛmΛ vΛΛscatai sai Suusi Cristo cΛΛgacΛrΛ vuvaidi tomasioora siora vaavoitudagi. AatΛmΛ ipΛlidi issoicΛdagi oodami sai vaamioma cΛΛga vaavoitudana dai sai vaamioma maatΛna Diuusi ñiooquidΛ dai sai vaamioma cΛΛga ivuaadana istumaasi Diuusi ipΛlidi vaavoitudaitai Suusi Cristo.

29 Gomaasi Λrgiña duiñdaga naidΛ povueeyi aanΛ vΛΛsi giñgυvucadagacΛdΛ ismaacΛdΛ giñmaacai Suusi Cristo.

2

1 AanΛ ipΛlidi mΛsai maatΛna aapimΛ sai aanΛ duudatai gΛntΛtΛgitoi aapimΛ ΛΛmadu vΛΛsi Λvaavoitudadami LaodiseeΛrΛ oidacami ΛΛmadu vΛΛsi Λga ismaacΛdΛ maiquiaa giñmaatΛ. Dai

sallıcadΛ daanΛi aanΛ Dıuusi sai ʌgai gʌnsoıcııñña aapımΛ ʌʌmadu vʌʌscataı ismaacʌdΛ caaagai aanΛ mʌsai apiavaavoıtudaiñña ñıooquıdΛ.

² Dai aanΛ ipʌlıdı mʌsai aapımΛ baıgʌʌʌlıatudaiñña aıpaco gʌnoıgʌadıtai, dai mʌsai cʌʌga maata nʌıdıñña Dıuusi ñıooquıdΛ dai mʌsai cʌʌga maataʌna vʌʌsı istumaası aagai Dıuusi ñıooquıdʌrʌ aagıtai Suusi Cristo. Vʌʌsı gomaası ʌʌquıoma maimaatʌcatadı oodamı.

³ Suusi Cristo ʌgai dai vaamıoma cʌʌga tʌtʌgıtıoı sıtomasıoorʌ dai ʌgai gʌrsoıcıı tʌsai cʌʌga maataʌna naana maası istumaası istumaası maata Dıuusi dai poduucaı alıʌ sastuduacamu aatʌmΛ.

⁴ Gomaası gʌnaagıdı aanΛ vaı tomalı ʌmaadutai maitʌnvupuiırumadıñña cʌʌ baimaası ñıooquı gʌnaagıdı mʌsai ʌʌgıdı caʌcana.

⁵ Toması maıgʌʌʌmadu daja aanΛ vʌʌscʌrʌ gʌntʌtʌgıtıoı aanΛ aapımΛ dai baıgıñʌlıdı aanΛ maatacatı isaapımΛ vʌʌscataı vıaa ʌmo tʌgıtıoıdagı sallıcadΛ cʌʌga vaavoıtudıtai Suusi Cristo.

⁶ Poduucaı isduucaı cavaavoıtu aapımΛ Suusi Cristo gʌrtʌaanʌdamıga cʌʌgacʌrʌ gʌnvuvadıcaı ʌgai poduucaı gʌaagai isapıavaavoıtudadıdagı aapımΛ saı ʌgai apıagʌnnuucada.

⁷ Dai gʌaagai isdaanʌdagı aapımΛ Suusi Cristo saı gʌnsoıcııñña mʌsai cʌʌga oıdacana poduucaı isduucaı ʌgai ipʌlıdı poduucaı isduucaı gʌnmamaatʌtuli aanΛ dai vʌʌscʌrʌ baıgavʌr ʌʌlıada DıuusıcʌdΛ vʌʌsı istumaasıcʌdΛ istumaası ʌgai ıdıı aapımΛ gʌnvʌʌtarʌ.

8 Maitav^Λr dagitu aapim^Λ isaa oodami g^Λnvupuiirumadadagi vai poduucai maigaji-aad^Λr^Λ vipiaa aapim^Λ mamaat^Λtuldiaragad^Λ Suusi Cristo, g^Λnmamaat^Λtulditai ^Λgai ^Λmai mamaat^Λtuldaragai ismaac^Λ^ΔΔ mait^Λrvaavoi. Istumaasi g^Λnmamaat^Λtuli ^Λgai ^Λroodami mamaat^Λtuldaragad^Λ dai oodami viituldarad^Λ, gomaasi mait^ΛrSuusi Cristo mamaat^Λtuldaragad^Λ.

9 Suusi Cristo ^ΛrDiuusi daid^Λ ^Λroodami ^Λpp^Λ ^Λgai tami oidigi daama oidacatadai.

10 Dai Suusi Cristo g^ΛΛ^Λmadu daja dai poduucai Diuusi g^ΛΛ^Λmadu daja ^Λpp^Λ. Poduucai aapim^Λ viaa v^ΛΛ^Λsi istumaasi t^Λgitu dai c^ΛΛgac^Λr^Λ vuvaquiagi. Suusi Cristo ^Λgai dai t^Λaan^Λi v^ΛΛ^Λsi^Λcatai. ^Λgai vaamioma t^Λaan^Λi isDiuusi t^Λt^Λaañicarud^Λ dai vaamioma t^Λaan^Λi si^ΛDiaavora t^Λt^Λaañicarud^Λ.

11 Aid^Λsi vaavoitu aapim^Λ Suusi Cristo dai g^Λnmaacacai ^Λgai guvucadagai m^Λsai camaisoimaasi ivuaadana g^Λmaí isaapim^Λ ^ΛrSuusi Cristo mamaat^Λrdamigad^Λ maisiu iquit^Λc^Λitai g^Λntuucuga poduucai isduucai g^Λmviituli ^Λjudidíu.

12 Aid^Λsi g^Λnvapacoñi aapim^Λ vaavoitudacai Suusi Cristo ^Λpp^Λga vaapa aapim^Λ suudar^Λ. Gomaasi ^Λr^Λpan ducami isyaasapicamudai aapim^Λ Suusi Cristo ^ΛΛ^Λmadu. Dai gooqui^Λr^Λ vuvaja suudagi^Λiñd^Λr^Λ. Gomaasi ^Λr^Λpan ducami is^Λpan duduaaca vaavoitudaitai isDiuusi viaa guvucadagai dai ^Λgai ^Λgai dai duaacali Suusi Cristo coidad^Λ saagidiaiñd^Λr^Λ g^Λgvucadagac^Λ^Δ.

13 ^ΛΛquioma maiviaacatadai aapim^Λ ib^Λdagai

utudui soimaasi ivuaadatai dai vui vΛΛΛcana Diuusi dΛmos sivi Diuusi gΛnmaa ibΛdagai utudui dai oigAli Λgai gΛnsoimaascamiga vaavoitudacai aapimΛ Suusi Cristo.

14 Dai tomasi aapimΛ gΛpiar vΛΛΛcatadai maiΛΛgiditai Diuusi sΛΛlicamigadΛ vΛΛscara Diuusi oigAli gΛnsoimaascamiga, Suusi Cristo muu curusiaba cascΛΔ.

15 AidΛsi Cristo muu curusiaba vaamioma istui isΛDiaavora ΛΛmadu ΔDiaavora tΛtΛaañicarudΛ dai poduucai vΛΛsi oodami istutuidi ismaatiagi isvaamioma viaa guvucadagai Suusi Cristo siΛDiaavora.

16 IsΛmaadutai gΛnaagiadagi sai maitΛagagai mΛscuaadagi ΛΛmo cuaadagai dai sai maitΛagagai isgayΛΛdagi ΛΛmo istumaasi dai sai aliΛsi gΛagagai issiaa duutuadagi Λmo tasai siaa duudagaicatai Λgai siΛpΛ Λmo ibΛstaraga tasΛrΛ siΛpΛ tomastuma tasai maitavΛr ΛΛgiada aapimΛ Λgai.

17 VΛΛsi gomaasi Λroodami ΛΛquidadΛ sΛΛlicamigadΛcatadai dai camaiñamΛga aidΛsi abiaadΛrΛ divia Suusi Cristo. Suusi Cristo mamaatΛtuldaragadΛ Λgai dai namΛga sivi.

18 MaitavΛr vaavoitudada aapimΛ Λgai ismaacΛΔ gΛnaagiadagi sai maicΛΛgacΛrΛ vuvaquia agai aapimΛ ismaisaa duutuadagi Diuusi tΛtΛaañicarudΛ tomasi Λgai gΛnaagiadagi sai nΛidi Λmo istumaasi ismaacΛΔ mainΛidi aa oodami. Λgai gaaagidi sai sioora maisiaa duutuadagi Diuusi tΛtΛaañicarudΛ sai aliΛ gΛgΛrducΛΔ gΛnΛlidi. DΛmos Λgai ismaacΛΔ pocaitiadagi gΛgΛrducΛΔ gΛnΛlidi tomasi maiviaa

istuisidΛ gΛgΛrducΛdΛ gΛnΛliadagi dai Λgai ivuaada
 Λlidi mosΛcaasi istumaasi ΛΛgi Λgai ipΛlidi.

19 Λgai maicΛΛga vaavoitudai Suusi Cristo.
 Suusi Cristo ΛrgΛrbaitΛcΛaacamiga daidΛ Λgai
 soicΛi vΛΛsi Λvaavoitudadami sai vaamioma cΛΛga
 maatΛna istumaasi ipΛlidi Diuusi isivuaadagi dai
 sai Λmo tΛgitoidagai viaacana vΛΛscatai poduucai
 isduucai Diuusi ipΛlidi.

20 AidΛsi abiaadΛrΛ vaavoitu aapimΛ Suusi
 Cristo mamaatΛtuldaragadΛ cagajiaadΛrΛ
 viaa aapimΛ oodami mamaatΛtuldaragadΛ
 ismaacΛdΛ gaaagidi sai sioorΛ ΛΛgiadagi oodami
 sΛΛlicamigadΛ dai oodami viituldaragadΛ sai Λgai
 gia cΛΛgacΛrΛ vuvaquia agai. CascΛdΛ maitΛagai
 isapiaΛΛgiadagi Λoodami viituldaragadΛ
 ismaacΛdΛ maitΛrsoiñi.

21 Λoodami pocaiti sai maitΛagai iscuaadagi
 ΛΛmo cuaadagai sai tomali maitΛagai
 isdΛΛcadagi, tomali istaatamadagi.

22 VΛΛsi gomaasi Λroodami ma-
 maatΛtuldaragadΛ maisiu Diuusi. Λcuaadagai
 otoma uugiatΛi.

23 Λoodami ismaacΛdΛ gamamaatΛtuldi gomaasi
 poΛlidi isΛrsastudugami. Λgai pocaiti sai
 ΛgaicΛdΛ ismaacΛdΛ gamamaatΛtuldi vaamioma
 cΛΛga sias duutuadagi oodami Diuusi. Dai sai
 maicuaadatai ΛΛmo cuaadagai Λrsoiñi oodami
 vΛΛtarΛ sai vaamioma cΛΛga oidacana dai sai
 maigΛgΛrducΛdΛ gΛnΛlidiña dΛmos maitΛrvaavoi.
 Gomaasi maitΛrsoiñi oodami vΛΛtarΛ isgajiaadΛrΛ
 viaagi istumaasi ΛΛgi Λgai ipΛlidi isivuaadagi.

3

1 Aidasi abiaadara vaavoitu aapima Suusi Cristo, Diuusi ganmaa ibadagai utudui ducami iscaduduaacamudai aapima poduucai isduucai Suusi Cristo duaaca, cascada gaaagai isvasscara tatagitodagi istumaasi aagai Diuusi ñiooquidara aagaitai lavaaagi siaaco daja Suusi Cristo Diuusi amadu dai taanai.

2 Tatagitodavurai istumaasi arcagaducami maisiu istumaasi arsoimaascami.

3 Damos sivi gajiaadara viaa aapima soimaascami dai Diuusi ganuucada vaavoitudacai aapima Suusi Cristo.

4 Dai agai garamadu daja cascada tomastuigaco oidacamu aatama. Dai siascada Suusi Cristo apamu diviagi dai taanadagi aatama ara taanada agai amadu.

5 Cascada gajiaadara avar vipiaada aapima vassisi istumaasi soimaascami. Maitavar googosi ganducamica, dai maitavar coimudad tuutiaca, dai maitavar ipaliada gavustuidaga. Sioora ipaliadagi gavustuidaga agai gia maisalicada siaa duutudai Diuusi baiyoma siaa duutudai tumiñsi dai naana maasi istumaasi.

6 Cascada salicada baamucui Diuusi agai vui ismaacad maiagidi dai soimaasi taatatuldia agai agai.

7 Dai aiquioma aapima povuaadana,

8 damos sivi gajiaadara avar vipiaada vassisi gomaasi. Maitavar baacocoda, maitavar soimaasi taatamituldiada aliada aa, dai maitavar vui

ñioocada aa, dai maitavAR sigal naasi ñioocada aa vui.

⁹ Dai maitavAR gANYaatagiada aipacoga. AapimA cagajiaadARΛ viaa VΛasi gosoimaascami ismaacADΛ ΛΛquioma ivuaadana cascADΛ.

¹⁰ Sivi caviaa aapimA ibADagai utudui. Diuusi AΓgai daidΛ idui oodami dai sivi Diuusi gANsoicAI mASai vaamioma Apan tuutiacana aapimA AΓgai. Diuusi ipALidi isaapimA CΛΛga maataΛ AΓgai cascADΛ.

¹¹ Λvaavoitudadami Λmadugan duucAI gANNaidi vΛAscatai tomasi ARjudidíu ismaitARjudidíu ΛAPΛ, tomasi iquitΛquicagai tuucugadΛ ischo ΛAPΛ, tomasi ARTami oidacami siARSibΛacoga oidacami ΛAPΛ, tomasi ARPipiooñi siARTATAANADami ΛAPΛ. CasiAVAR maitATAgitoda gomaasi, baiyomAVAR tatAgitoda isSuusi Cristo ARGARbaitACΛaacamiga dai AΓgai VΛasi vaavoitudadami ΛΛmadu daja.

¹² Diuusi gARoigADai daidΛ ACOvai gARvuvaitu tASaidΛ ARmaamaradACana. SoigAVAR gANΛliada aacADΛ, dai CΛΛ tuutiaca, dai maigAGARducADΛ gANΛliada, dai soicADavurai aa oodami, dai maioomaliaca.

¹³ Dai maitavAR vui ñioocada aapimA aa ismaacADΛ soimaasi gANTAatamituldadagi baiyomAVAR oigALdada AΓgai poduucAI isduucAI Suusi Cristo gARTAAANADamiga gARoigALdi.

¹⁴ Dai VΛASCARΛ aliASI gANOigΛada aipacoga poduucAI viaacamu aapimA AMO tAgitoidagai.

¹⁵ Diuusi ACOvai vuvaitu vΛasi vaavoitudadami dai AΓgai ipALidi isVΛAscatai viaacagi AMO tAgitoidagai. CascADΛ aliASI gAAagai isCΛΛgacARΛ oidacagi dai poduucAI camaitANCocadamu. Dai baigAVAR ANΛliada DiuusicADΛ.

16 Aliasi gaaagai istatagitoda Suusi Cristo ma-
maatatuldaragad. Poduucai vaamioma sastudu-
acamu aapim gnmamaatultiditai aipacoga dai
ganmaacaitai ñiooqui aipacoga. Ganadavurai
aapim Diuusi naidad dai baiganalliada Diu-
sicad.

17 Vasi mastumaasi ivuaadagi siap aagadagi
vascara avar ivuaada istumaasi oojoidi Suusi
Cristo. Dai baigavar alliaada Diuusicad Suusi
Cristo ganlamadu daja cascad.

18 Aapim ooqui lagiadavurai gancuucuna, Di-
uusi ipalidi isprovuaadagi vasi ooqui vaavoitu-
dadami cascad.

19 Aapim cacalli oigadavurai ganooniga dai
maiomaliaca agai vui.

20 Aapim aali lagiadavurai gandad vascara
poduucai alia baigallidina Diuusi.

21 Aapim ismaacad maamara maitavar ooma-
liaca agai vui vai agai caga ganlagidina.

22 Aapim pipiooni lagiadavurai gnaamu mai-
siu moscaasi siuu duucu gannijadagi gnaamu
ipaliditai ispotiya agai masai alia sastuduga baiy-
omavar vascara caga aata vuaada siao duutu-
daitai Suusi Cristo.

23 Tomastuma aa duiñdagai ismaacad
ivuaadagi aapim sallicad avar caga ivuaada
ducami issoicadamudai aapim Suusi Cristo dai
maisiu oodami,

24 maatacatai sai iimia agai tavaagiamu dai Di-
uusi lamadu oidaca agai tomastuigaco, aapim
iveeyi gartaanadaminga Suusi Cristo aa duiñdad
cascad.

25 Damos sioraa soimaasi ivuaadagi, Diuusi soimaasi taatamituldia agai agai. Diuusi agai dai vaascara ivueeyi istumaasi arsaalicami vaaasi oodamicada.

4

1 Aapimaa gaaamu aliaasi gaaagai maaagacara naajadagi gannipiooñiga daida taanadagi mosacaasi istumaasi arsaalicami. Taatagitodavurai isgantaanadamiga tavaagiaraa daja.

2 Duudatai avaar daanda Diuusi baiganliaracada sai gannsoicaiña mai caagacara oidaca aapimaa, caaga vaavoitudaitai Diuusi. Dai baigavaar ganliada aapimaa Diuusicada.

3 Dai daandavurai aapimaa Diuusi aara sai agai gannsoicaiña nai gaaagiada isSuusi Cristo arcaagacara vuviadami gomaasi aalquioma maimaatacata dai oodami. Sivi maisapi aana gaaagiditai gomaasi.

4 Dai daandavurai aapimaa Diuusi sai agai gannsoicaiña nai caaga gamamaatatuldadagi aana Diuusi ñooquida poduucai isduucai gaaagai isivuaadagi.

5 Caagavaar tuutiaca aapimaa agai vui ismaacada maivaavoitudai Suusi Cristo apiavaar gaagada isducatai aagidagi aapimaa agai Diuusi ñooquida.

6 Dai caagavaar ñooquiada agai vaascara dai aagiada istumaasi arsoiñi dai caagavaar aa nonora giada tomastumaasi istumaasi ganaagiada agai.

7-8 Tiiquico argraduñi vaavoitudadami dai aana alia oigadai goovai. Goovai caaga garsoicai Suusi Cristo aa duiñadara. Cascada gannootosda

iñagai aanΛ dai goovai gΛnaagidamu isducatai daraaja aatΛmΛ aanΛ ΛΛmadu aa vaavoitudadami ismaacΛdΛ giñΛma daraaja. Dai poduucai baigΛΛliadamu aapimΛ.

⁹ Onesimo oida agai goTiiquico. Onesimo argaraduñi ΛpΛ dai alia oigΛdai aatΛmΛ. Goovai ΛΛmadu aapimΛ aragai vaa dΛvΛΛriarΛ oidacami dai cΛΛga garsoicΛi Suusi Cristo aa duiñdadarΛ. Goovai vΛgoocatai gΛnaagidamu istuma apΛvueeyi aatΛmΛ garsaagida.

¹⁰ Aristarco giñΛΛmadu maisapi dai goovai DiuuscΛdΛ gamviaatuldi. Dai Marcusi, Bernabé suculida, DiuusicΛdΛ gamviaatuldi ΛpΛ. Dai ismΛΛca aiyagi Marcusi cΛΛgavΛr miaadΛgida.

¹¹ Dai Suusi Justo DiuuscΛdΛ gamviaatuldi ΛpΛ. Λvaavoitudadami judidíu saagidiaiñdarΛ mosΛcaasi Aristarcu ΛΛmadu Marcusi ΛΛmadu Justo giñsoicΛi Diuusi aa duiñdadarΛ. Goovai sΛΛlicΛdΛ baigiñΛliatudai.

¹² DiuuscΛdΛ gamviaatuldi ΛpΛ Epaafarasi. Goovai arColoosasiarΛ oidacami daidΛ goovai ivueeyi Suusi Cristo aa duiñdada. Epaafarasi duudatai daanΛi Diuusi sai gansoicΛiña mai vaamioma cΛΛga vaavoituda Diuusi ñiooquidΛ dai masai vaamioma cΛΛga ivuaadana vΛΛsi istumaasi Diuusi ipΛlidi.

¹³ Dai aanΛ gΛnaagidi sai Λgai sΛΛlicΛdΛ ipΛlidi isaapimΛ ΛΛmadu Λvaavoitudadami LaodiseearΛ dai YerapoliisiarΛ oidacami cΛΛga ivuaadagi istumaasi Diuusi ipΛlidi.

¹⁴ DiuuscΛdΛ gamviaatuldi ΛpΛ Ruucasi ismaacΛdΛ ardoaadigami. Dai DiuuscΛdΛ gamviaatuldi Deemasi ΛpΛ.

15 DiuuscΛdΛ avΛr viaatulda gΛraaduñi vaavoitudadami LaodiseeΛrΛ oidacami. DiuuscΛdΛ avΛr viaatulda Niinafas ΔΔpΛ ΔΔmadu vΛΔscatai ismaacΛdΛ gΛnΛmpaidi quiidΛrΛ dai siaa duutudai Diuusi.

16 SiΛΔscadΛ canΛidagi aapimΛ idi oojai vΛrai ootosda Λvaavoitudadami LaodiseeΛrΛ oidacami vai Δgai nΛidana ΔΔpΛ. Dai Δgai ΔpΛ gΛnootosdamu Δoojai ismaacΛdΛ ooji aanΛ vΛrai nΛida aapimΛ ΔΔpΛ.

17 Dai aagidavurai aapimΛ Arquipo ansai aanΛ ootosdi ñiooqui sai aliΔsi gΛaagai iscΛΔga ivuaadagi Δaa duiñdagai ismaacΛdΛ maa Diuusi vaavoitudaitai Δgai Suusi Cristo.

18 Sivi aanΛ, Paavora ΔΔgi giñnoovicΛdΛ gΛnoojidi cacuugatΛrΛ dai DiuuscΛdΛ gΛmviaatuldi. Dai tatΛgitodavurai ismaisapi aanΛ. SΔΔlicΛdΛ ipΛlidi aanΛ sai Diuusi cΛΔgacΛrΛ gΛnnΛidiña aapimΛ.

MosΛcaasi.

Diushi ñiooquidΛ utuducami oodamicΛdΛ
New Testament in Tepehuan, Northern
(MX:ntp:Tepehuan, Northern)

copyright © 1981 Wycliffe Bible Translators, Inc.

Language: Tepehuan, Northern

Translation by: Wycliffe Bible Translators, Inc.

Tepehuán del Norte [ntp], Mexico

Copyright Information

© 1981, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tepehuan, Northern

© 1981, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

1cd37655-9109-5b5b-ab5d-6e755e5aa421